



UNIVERSITÄTS-
BIBLIOTHEK
PADERBORN

Universitätsbibliothek Paderborn

Consultationes Theologicæ Et Spirituales Christiani verè fidelis & verè devoti ...

... De Excellentissimæ Sanctissimæ Virginis Mariæ Matris Dei

Louis François <d'Argentan>

Augustæ Vindel. ; Dilingæ, 1726

VD18 80217915

Artic. III. Nunquam aliqua Mater ita obligata fuit ad legem Purificationis,
sicut Beatissima Virgo.

urn:nbn:de:hbz:466:1-45581

se, ut appareat ipse solus (quamvis non velit aspici, cum ita se abscondat proprio suo lumine, ut à nemine videri possit) ita vera humilitas abscondit omnes alicujus animæ perfectiones, & consequenter abscondit semetipsam, in quantum potest, & haberi vellet pro vilitate, non humilitate.

Humilitas
Sanctissimæ
Virginis in
Purificatio-
ne mon-
strata fuit
quasi sol re-
fulgens,

Ubi hæc sunt omnes excellen-
tiae & perfectiones sanctissimæ
Virginis, quæ excedunt id omne,
quidquid hominum Angelorum-
que linguæ valent enunciare? Ita-
rum apparet nihil; scæminarum
credereetur esse simplicissima: Ubi
est illa, quam possidet, gloria, per
quam est Virgo Mater, & Mater
Dei? Omnia hæc absconduntur
sub profunda humilitatis ipsius
velo in functione, quam exercet
in templo. Ubi incomparabilis
est honor, quem possidet super
omnes alias creaturas, ex eo, quod
concepit per operationem Spi-
ritus Sancti, quod genuerit abs-
que dolore, & absque minima im-

putate? Ipsius humilitas est sol
offuscans omnia hæc firmamenti
sidera. Ubi est ipsamet hæc tam
profunda, tam admirabilis, tam
refulgens ac splendida humilitas?
illa ipsamet non apparet, non e-
nim perficit nisi opus quoddam
usitatum & commune omnibus
scæminis, disparere faciens omnes
alias perfectiones hujus Matris Vir-
ginis; ipsa tam bene abscondit se
ipsam, ut non videatur. Et tan-
dem, quamvis verum sit, nun-
quam aliquam Matrem minus ob-
ligatam fuisse ad legem purificatio-
nis sanctissimæ Virgine, nihilomi-
nus id non apparet, obquod om-
nia involuta sint velo profundæ
ipsius humilitatis.

Sed videtur mihi, reponit Gly-
cas, sat clarè videri indispensabi-
litem ipsius obligationem ad obser-
vandam legem Purificationis, si
bene consideretur: quod de non
strare tibi conabor, si tam benig-
nas loquenti mihi præbere volue-
ris aures, sicut præbui tibi.

ARGUMENTUM.

*Nunquam aliqua Mater ita obligata fuit ad le-
gem Purificationis, sicut Beatissima Virgo.*

ARTICULUS III.

Tria utilitatum genera obli-
gabant ipsam ad hoc non
leviter: In primis utilitas
ipsius propria; secundò utilitas
Dei; terciò utilitas nostra. Au-

sculta bene probationes, quas de-
super tibi afferam; tam breviter
illas constringam, ut ex ijs afficien-
dus non sis tardio, illasque inven-
turas tam solidas, ut rejicere, illas
non poteris. In

ita refer-
retur Deo
sibi

In primis utilitas sanctissimæ Virginis vehementer obligabat ipsam, ad sistendum se in Templo, et à lege Purificationis designato, ut gratias redderet Deo, sicut omnes aliæ Matres, pro incomparabili beneficio fecunditatis; siquidem non nisi solius DEI prerogativa est, communicare posse esse suum alteri, & progignere sibi simile. Theologi Hebræorum, qui erant legis Doctores, credebant ita esse, quæ reservata sunt Omnipotentis Dei; resurrectionem mortuorum, pluviam cæli, & fecunditatem Matrum: Et S. Paulus asserit nobis, quod omnis paternitas sit à Deo, eoque ipsius is sit principium; eoque hanc gratiam suis includat thesauris, ut cuiusque placuerit, largiatur illam; & ideo omni tempore accesserunt templum Matres à partu suo, ut redderent gratias Deo pro beneficio fecunditatis suæ, quam receperant ab ipso. Quando igitur sanctissima Virgo aliam non habuisset causam, nisi quod esset Mater, obligata fuisset ad sanctam hanc cæremoniam, non minus quam aliæ Matres.

sanctissima
Virgo ma-
gis obliga-
tur ad
reddendum
gratias Deo
pro fecun-
ditate suâ,
quàm om-

Verum si consideres, cujus sit Mater: Non solum Mater est alius hominis sicut aliæ Matres; Sed Mater est proprii Filij DEI. Compara Filium ipsius Unigenitum cum Filijs omnium Matrum (ab Evâ quæ prima est usque ad ultimam, quæ erit in fine sæculor-

um) Nonne hic infinita ratione superabit illos? Evidens ergo est, sanctissimam Virginem magis obstringi Deo solam cunctis alijs simul matribus, eoque plus receperit ab ipso; ipsamque consequenter obligari non solum magis quavis aliâ in particulari, sed plus cæteris omnibus, ad agendum Deo gratias in templo, eoque tam locuplete fecunditate fuerit ab ipso honorata. Verum nimis adhuc id patum est.

Non oportet comparare obligationes sanctissimæ Virginis, ob divinam suam fecunditatem, obligationibus omnium simul creaturarum; comparate oportet eas cum illâ Dei ipsius, si per impossibile hic obligari cuiquam posset, ob divinam fecunditatem suam: siquidem si accepisset à liberalitate cujusquam alterius potentiam producendi Filium suum Unigenitum, nonne obstringeretur ipsi infinita ratione, eoque infinitum ab ipso accepisset bonum? Sed quia habet hanc potentiam à seipso tenetur ex eo nemini; omnis obligatio tangit solum sanctissimam Virginem; quæ, cum hanc potentiam non habeat à seipsâ, recepit eam ab illo, ex pura omnino gratiâ. Quanta gratia, ô amantissime DEUS, esse propriam matrem ejusdem Filij, cujus DEUS est Pater ex propria suâ naturâ divinâ.

Quæ putas fuisse hæc super re
Sanctissima
cor-

nes aliæ
Matres si-
mul,

Fecunditas
Sanctissimæ
Virginis
comparatur
illi Patri
æterni.

Virgo offerit Deo thesaurum, quem accipit.

cordis ipsius fensa? Quantum se credidit obligatam ad exsolvendum in templo grates suas Deo! Sed quales, grates reddere DEO posset, nisi offerendo ipsi eundem thesaurum infinitum, quem ab ipso accepit? Et ideo in suis brachijs oportet ipsa Filium suum Unigenitum, illumque manibus consignat boni Senis Simeonis, ut illum offerat Deo nomine totius naturæ humanæ; & potissimum nomine sanctissimæ Matris suæ. O quantum desiderasset ipsa omnes creaturas mutari in corda & in linguas, ad rependendum secum grates Deo! quantum ad me, credo, non posse exhiberi ipsi acceptabilius obsequium, quam si adjuvetur in agendis sine intermissione Deo gratijs pro tam ingenti beneficio. Et ecce quomodo propria ipsius utilitas eam summè obliget ad legem purificationis, magisque cæteris matribus.

Ipsa infinità ratione honorat Deum, offerendo illi Filium suum Unigenitum,

Secundò utilitas Dei obligabat adhuc magis ipsam: Utilitas Dei est ipsius gloria; propterea enim fecit omnia, nec unquam aliam habere potest in omnibus, quæ facit extra seipsum. Jam sanctissima Virgo in suis tenebat manibus infinitum gloriæ ipsius thesaurum in personâ Infantis JESU. Nostri Theologi considerant duo genera gloriæ in Deo: Unam nuncupant internam, quæ consistit in propriâ, ipsius divinitate; alteram vocant externam, quæ consistit in laudi-

bus & summis honoribus, exhibitis ipsi à creaturis suis. Utraque gloria tota erat inclusa in divino hoc Infante, quem sanctissima Virgo suis stringebat manibus; gloria interna, quia verè est Deus, possidens omnes excellentias infinitas Dei Patris; & gloria externa, eodquod per ipsum solum dignè glorificetur DEUS à creaturis suis.

O sanctissima Virgo, quis æstimare possit divitias, quas tuis complecteris manibus? Quis comprehendere possit dignitatem sanctiõnis quam obis & perficis in templo? præstas Deo homagium, & offers illi omnem gloriam suam, etiam internam, eodquod offeras illi Deum æqualem ipsi in omnibus, postquam reddidisti ipsam illo inferiorem, faciendo ipsam hominem. Quantum prodigium! Quando vider ipsum in sinu tuo, & in brachijs tuis, recipit ex eo gloriam infinitam & talem, ut illa non possit exigere majorem. Neque id satis est; siquidem non solum offers illi gloriam suam internam, sed etiam omnem externam: Habes illam in manibus tuis; inclusa est enim in charissimo Filio tuo, velut in suo principio: Et quousque hoc extendit se? Dilata & extende cogitationes tuas in omnia tempora, & cuncta in loca à creatione mundi, usque ad consummationem sæculi; & ab uno polo usque ad alterum

cods

Ipsa habet infinitam gloriam externam & internam in suis manibus, ut offerat illum Deo.

Virgo offerit Deo thesaurum, quem accipit.

Ipsa habet infinitam gloriam externam & internam in suis manibus, ut offerat illum Deo.

conijce oculos tuos in omnem infinitam multitudinem hominum : Considera omnia ipsorum opera, & omnia virtutis Religionis exercitia, quæ spectant ad cultum supremum DEO debitum ; & denique ea omnia, quæ unquam facere potuit terra ad placendum Deo, & procurandum ipsius gloriam, & ex omnibus his nihil videbis, quod placuerit DEO, vel quod illi reddiderit gloriam, nisi per Jesum Christum Unigenitum Filium tuum.

Ecce magni momenti functionem, quam virgo conficis in Templo ! Sola tu solvis omniam creaturarum debita, & potissimum illa totius naturæ humanæ : Erat hæc debitorum infinita ratione DEO. Verum est, cœlum misisse nobis totum suum thesaurum ad exsolvendum nostræ debita, sed tu omnis boni nostri eras depositaria ; non poteramus satisfacere DEO nisi per te, expectabat sibi fieri hanc maximi ponderis satisfactionem non nisi à te in Templo suo. Nonne igitur legitime deduxi, quod utilitas DEI obligaverit te magis, quam omnes alias simul Matres, ad observandum legem Purificationis ?

Tertio utilitas miserorum peccatorum, quam cutandam suscepit, indispensabiliter, obligabat ipsam ad observantiam hujus legis ;posito igitur, id non fuisse, ob propriam ipsius Purificationem, eoque quod non indiguerit illâ, opus ta-

men eâ fuit ob purificationem nostram. Aspice, quò vadat ; vide, quid agat, & observa omnes illius gressus ; vadit ad Templum, locum Sacrificio destinatum ; portat secum DEVM passibilem & mortalem, quem mundus jam expectabat à creatione suâ, ut esset pretiosa victima, cujus innumera hostiæ jamjam in Templo mactatæ & oblatæ, non erant nisi figuræ & promissiones, quæque sola evincere & efficere nostram poterat Reconciliationem ? Illa hanc consignat senis optimi Simeonis manibus, velut manibus alicujus Sacerdotis : Quid facit victima intra Sacerdotis manus, nisi ut immoletur DEO ? Non adhuc est tempus hic nec locus Sacrificij cruenti ; nec est etiam adhuc spectaculum maximæ crudelitatis : nihilominus aliquam intueor ducem, expensa & in altum sublata Sanctissimæ Virginis brachia, ad offerendum in sublimi victimam suam : *Extendens enim sanctas ulnas Dominum portavit ;* Aspicio sacrum amorem, agentem partes executoris, ad configendum uno eodemque ictu mortali Cor Filij simul & Matris : *Tuam ipsius animam doloris gladius pertransiit :* Et quando aspicio inter hæc omnia hunc gaudij cœlestis torrentem, quo perfunduntur omnium corda, Sacerdotis, victimæ, & Crucis illam portantis ; dico, Benedicamus DEUM : Omnia sunt in salvo ; cœlum contentum est,

R. P. Isaac, Consultat. Tom. III.

PPPP

nostra

nostra reconciliatio est facta, nostra in securo utilitas. Ecce tibi opus Sanctissimæ Virginis per Filium suum Unigenitum.

Sanctissima
Virgo est
Redem-
ptrix Re-
demptoris.

Jubebat lex, ut primogenitum omnium animantium consecraretur DEO, ipsique immolaretur in Sacrificium in Templo suo; sed primogenitum hominis pro eo, ut immolaretur velut bestia, voluit redimi à parentibus suis; cui legi obsequens Sanctissima Virgo, postquam obtulerat DEO primogenitum suum, redemit ipsum, ut conservaret illum sibi & nobis possessionem æternam. Sic ipsa Redemptrix est Redemptoris totius generis humani, eoque proprio bono suo redemit illum, qui redimere nos debebat pretioso suo sanguine. Et hæc ratione curavit illa utilitatem nostram, dum Templum accessit Jerosolymitanum. Junge modò hæc omnia simul; utilitatem Sanctissimæ Virginis, utilita-

tem DEI, & utilitatem nostram, & adverte omnes tres non leviter obstringere Sanctissimam Virginem; & faceberis, non immeritò me dixisse, quòd nunquam aliqua Mater ita fuerit obligata ad legem purificationis, sicut Beatissima Virgo.

Hæc causa tam bene ex utraque parte fuit propugnata, ut tota societas ignoraverit, in cujus favorem suam pronuntiare deberet sententiam; ambo videbantur obtinuisse palmam, neuterque celebratur condemnandus; sic quilibet lubens suum utrique assensum præbuit & approbationem. Sed quia hæc omnia, quæ dixerant, non factis adhuc declarabant mysterium purificationis, Ductor noster semper charitativus, semperque relictus tum scientiæ, tum bonis affectibus, voluit exponere nobis adhuc alia, quæ visa sunt nobis pulchriora, magisque proficua. Et ecce illorum partem aliquam.

ARGUMENTUM.

*Mysterium Purificationis Sanctissimæ Virginis
Festum est occursum.*

ARTICULUS IV.

Tria genera mirandorum occursum sunt in mysterio Purificationis.

Antiqui appellabant magnum hoc Festum *Hypapante*, id est, diem occursum, & non immeritò: Profectò enim videtur, omnem mysterij hujus decursum non esse aliud nisi concursum plurium occursum.

Observavi illorum tres majori consideratione dignos. Primus est occursum oculorum: Secundus est occursum cordium: Tertius est occursum manuum. In primo oculi Patris æterni occurrunt oculis Filij sui Unigeniti, qui reciproco se in-

vicem